



天台山方外志卷第十七

書



明樵李馮太史為妙峯瀆師護瀆致王都諫書

丈入都屬弟聞先人之變倉卒歸不得一通
聞問忽忽至今弟且釋衰麻矣丈在諫省大
有氣色弟每讀丈疏未嘗不歎膺嘆服吾黨
中有人哉聞足下亦在艱何艱也又不知足
下何時過此不及相物色一遂把握悵結如
何天台鴈宕久在卧遊亦不及足下寵通一語
飄一衲了此一段勝緣敢邀足下寵通一語
於山靈也清涼菴傳光上人欲因不佞延妙
峯法師建楞嚴法會妙峰不佞方外至契其
說法如師子吼而光上人戒行粹白肅如秋
霜固吾輩所宜庇護者但不佞遠在千里外
惟足下勿辭作功德主幸甚因耐不興奉陪

并展所懷孟春猶寒惟玆愛
是祝除前九日夢禎叩首上

臨海王都諫復馮太史書

不肖弟奔走風塵迷

卿所得聞足下以菩薩身權現世界獨挈空
宗善護持諸法恒思得一當足下者未有其
繇年來柄鑿世味窟轍非心輒思退處青山
白雲一瓢一衲尋方外遺籌而先慈奄棄情
緒荒迷跌奔已來跼伏郊坰即城市閱月不
一入蓋薰氛之鴈屬屢也久矣今之不肖于
心性大事即未能有所悟入而生來七情頗
淡雖亦齒縉紳大夫後然未嘗以一旦機關
嗜好之便輕彼丹元即僅僅不大墮落于鬼
趣畜道然亦視寸莖而絕百仞之淵危矣足
下倘便度石梁入鴈宕不肖當持鉢相隨真
一開悟至取也辱諭光上人者以妙峯泐王
相托幸為轉致嘉幣之致榮施存歿并用百
稽顙于下執事者覆甌之業是輪轉種子大

可咲附以助足下
噴飯也士性稽顙

馮太史復王都諫書

弟為營先人一丘赤茗雪

光上人者以足下報書至若從五色雲中墮
下展讀之口齒俱香兩腋欲舉快哉如佐揮
塵於天台赤城間矣足下方負時望何得遽
言餐霞丈夫處世一龍一蛇不必有意若弟
者自目堅瓠無當于時即蒙主恩放之長林
豐草間以遂野鹿之性故其宜也足下自當
以拯人慈物之為心策大人之業何作厭世
語哉弟年來好釋氏書於心性之旨畧窺一
二須是實悟實證始得欲進其道大都從一
念不自欺始而以古尊宿機緣語句為緣世
間說玄說妙之徒如渴鹿逐陽焰終無益也
今寄足下大慧語錄一部足下幸一觀之自
有入處如有疑情不妨相見時共為商畧也
承寄惠佳集侑以二幣祗領妙峯座主具大

王都諫請妙峯法師書

似此五濁世界之民又生長海濱習氣相矜昏

辨才得安法席四衆之幸足下幸善護持之光上人還布此漸契珍重孟夏十日夢禎細迷大道名為可憐憫者非一旦夕矣尊師多聞大慧獨了空宗此間一二善信男子洗心皈依如火宅追亡良非浮偽而傳光為之倡欲不肖僕為之先容倘尊師遂發菩提心卓錫於天台鴈宕之間令孺首泪溺之徒得聞鈞天廣奏一躍彼岸何啻以七寶布施不肖翹首以俟伏祈台慈士性稽顙拜

馮太史請妙峯灑師解有門頌書

武林一別聞問杳然不審

比日道體何似震旦國中天台種子惟師一人不可不自愛倘藥餌之暇望一思有門頌註惠教為感即日秋序涼風動帟浮生過客閃眼無常我輩幸受法裏倘一蹉過與庸人

何異願師珍重作我輩津梁尊恙良已更祈振錫以慰渴想風便馳此不多七月一日弟子夢禎和南

諸明公致幽溪書○臨海王都諫書

久別法座注想為殷

午日養疴入天台山中擬造蘭若一聽玄譚以清俗慮而淫雨如注坐卧小樓者十日已乃遣人問道履知上人方登壇揮塵說法于紫雲聖水之間徒有黯然下山焉已不佞兩疏乞骸未蒙允覆只得勉向齊魯一行俟明春再作歸計方在懷念辱手翰疑然空谷重以宗鏡之賜至讀楞嚴玄義上人傳佛心印以救迷情韞藉不可思議功德亦不可思議何幸也衰衰不能成禮聊道遠忱并附謝名具正幅

又謝書

上人登壇說法開悟迷途衆生功德無算不佞深為山海諸橫慶幸乃抵家百

冗蝟集無能遣一介握脫粟半粒趨香積厨
中作供具至辱佳品之賜則何當焉然不敢
不拜容少間端致忱也言下解縛會
中有人否有則幸以相示名正具

又謝書

向走天台山中不獲一晤茲聞且閉關
矣僕又沾沾升斗促裝西行未卜再會

何日也蒙賜謝謝令師寔安定于
何時小銜篆額并附上名別具

四明屠儀部書

海會寺敬涓中秋佳節敦請大
法師登蓮華寶座演說首楞嚴

經一真破妄明了義于覺皇七處徵心現尼
珠于大衆攪長河為酥酪變大地為黃金有
情無情人非人等均沾法旨金證真如羣
情不任懇切皈依之至佛弟子屠隆頓首

又致偈書

法師講經甘露洒心金鏡抉眼道俗
同皈人天來聽不慧得入蓮華座領

無上妙義三生致幸矣頃乃以小女分婉往
一看之卧内體受穢惡恐為常馭所訶不敢

溷入法壇凡夫無緣良可歎息故知愛河卽
苦海矣敬撰得俗偈四章聊寫欽挹臨風神

往屠隆
和南白

四明聞隱鱗書

不沾法乳又八闕翹沉淪苦海
何啻盲龜雖逢一切本空其奈

六根擾亂髮日白而事日繁誠未知所稅駕
耳造化弄人可歎可歎乃者育公憫衆生苦
發大道心假鉢飯於衆香迎法王於靈鷲演
首楞嚴了義顯常任真心豈唯有識蒙恩亦
使無情獲益孤露若龍歡喜無量乞發慈悲
在臨敝邑四衆不任翹勤渴仰之至弟子聞

龍和
南

又書

正我兄來拜師手教知懺期已滿法體輕
安三昧現前不言可卜再讀思歸偈語語

醍醐言言寶筏手書口誦不能自已因恨遇
此良師不能少竊餘潤徒汨沒於紅塵苦海

中未知止泊真可痛心仰視上刹已若隔十
萬億佛土矣何況極樂國耶承委決疑行願
二門及五百問經龍書實不堪登梓平生所
最歎者非敢方命唯吾師有以亮之我兄還
肅此附候起居思歸偈先得二首詞理純繆
不足辱汰眼幸一目擲之弟子聞龍和南

屠儀部致平湖陸太宰為幽溪薦書

久不奉大
教神馳可

言隆比剗心學道苦志叅宗緡閱藏教叩請
明師大乘宗旨頗有小悟入處天台無盡法
師者嗣智者大師法衣傳天台四儀教觀無
理不詮無義不了叩之如弘鐘探之如巨海
蓋夙慧既明藏教復熟真燭昏之寶炬抉翳
之金錕也東浙遠邇屢登講席靈蠢咸獲利
益龍象無不皈依馱於吳中似未有緣汰隆
念明公人倫師模道門宗匠豈可不知當世
有此明德沙門哉今幸其以緣事出遊特秉
虔心推轂門下惟立進而與之語倘道汰果

精鄙言不妄可作興都講開示有情廣利人
天同除垢陰明公之功德不淺矣師居天台
佛隴即智師傳法道場名山儼然靈蹟猶在
向無大殿崇奉聖師今欲募化人緣創此勝
事明公為法幸作檀波勸化一言其
誰不信主臣主臣山民隆再頓首

平湖陸太宰請講經書

往年僕與蛟門沈公赤
水屠公等共募建舍利

殿今將落成任持無漏上人擬講楞嚴妙經
以報答諸檀越伏聞師道行純備內典精通
敢請飛錫育王登壇講演緇俗不勝仰
望居士陸光祖和南四月十一日具

四明楊太史與黃邑林侍御為幽溪護法書

與

不相聞問且十餘年於此矣吾兄弟中如丈
知愛能得幾人迺令疎闊至此衷情非不念
之實苦纏縛擾擾度日耳日者道况何似想
山中靜攝神王天全大是樂境第胷中經濟

百不慮一恐更湏了償簪紱中業債耳不肖
 間以老母故家居五年已巳歲為商書趣出
 賽命之人行與禍會昨春即邁先慈之感扶
 服奔歸今已屆小祥矣宛轉草土中如不欲
 生倘從是溘先朝露即期與丈握手再叙生
 平其何日之有言之哽塞茲因天台無盡講
 師歸附此為候其人戒律精嚴經義了貫此
 行原以講經而來茲歸將復開講於太平柳
 纂菴恐庸俗凡夫不知皈向或致陵慢求丈
 破格一護持之此大功德事故知丈之不斷
 也衰中不能作莊啟統在亮原不
 盡午日制年弟楊德政再稽顙

黃邑林侍御請講經書

仰日承清供經籍之惠感
 仰太慈未可云喻思議

矣緬惟大龍道場將告成事皆大歡喜此之
 功德其誰比隆師之力也弟教門宏演契慕
 孔多茲敝邑雙雲塔峰之側瑞相禪寺法足
 性超等竊聞古刹重興焚修唯謹願念覺路

尚迷諸天玄遠敢會大衆皈依大師矧此地
 為吾巖第一法界迺者杖錫曾飛雖非常任
 却存夙緣固知師不我靳而超等猶懼善信
 未孚福力淺鮮更託不慧代置宰官為容倘
 蒙慈允肯來開席不慧當為護持則紫阜雙
 雲之浮屠數級將拔地柱天即瑞相一古佛
 堂未必不與祇園太子爭勝也若近世所著
 稱補陀諸名境豈不隘視之哉幸惟戒從佇
 領法音臨楮曷勝縣
 注不慧生名具端幅

屠儀部致黃少府為幽溪護瀆書

隆竊伏草莽
 雅聞老公祖

方今人倫標的吏治冠冕私心向往欽挹有
 年敝同年王太初數貽書招不佞為台蕩之
 遊學結名山樂觀德化神飛可知乃以尚平
 昏嫁事羈人而王鴻臚亦驅車南去遂輟褻
 糧嘗結念寒拾應化智顛焚修道場天台佛
 國乎至今不之名德沙門矣隆從佛隴幽溪

泐師無盡燈遊此沙門精通三藏力修教觀
嗣智師之法衣弘台宗之絕響屢登講席開
示善信利益人天不佞隆之從事佛門賴此
僧提誨多矣茲赴黃巖方山淨名講佛泐所
在時有魔事闡提無賴或有溷燒非得宰官
弘護講席不安敢乞老公祖轉致下情於署
黃巖事老公祖發一紙鎮靜此山了此善緣
法事幸甚感甚手勒此牋台亮萬萬隆再頓
首

屠儀部致劉司理為幽溪護泐書

山林南山與敝

道友虞德園居士禪棲兩月方修出世大事
而東西邊報時入山中狡夷跳梁廟堂失策
野人雖結跏蒲團乎未免漆室之憂因相與
抵掌海內真正大英雄異日足負乾坤擔子
者虞君首推轂台州理劉使君使君氣雄萬
夫匈苞三畧且盛延攬豪俊究心時務今天
下必有事矣匡扶整頓數必有歸如謝太傅
之於晉李鄴侯之於唐皆玄宰主張非繇人
力民采近代士大夫之論往往以此事屬明
公明公努力民以雕蟲盜虛聲海內然生平
抱負實有不止於此者幸不為人知巖棲谷
飲可得終老矣民有方外法師無盡沙門精
通內典嚴持戒行為方今佛法龍象山民叅
請有年善信依皈甚眾近赴黃巖道場開講
貽書不佞求明公為泐門弘護仍望轉屬黃
巖視篆郡公同作大功德主幸甚山民仰明
公千秋豪傑意氣故敢輕通
此訊主臣主臣隆再頓首

屠儀部致周判府為幽溪護泐書

不佞隆跽伏

只尺想望明公風采聲猷私心欽注之日久
矣友人若王鴻臚太初王太僕樓峯數招道
民為塞明石梁之遊蹉跎未往山靈吟人郡
伯簡公隆同年同事司馬署中一歲頃嘗以
一札候之且與訂天台之約寓書者為一沙
門想尚未達也俟郡伯報書至便杖履南行

矣子晉治桐栢宮劉阮入桃源石梁最深處
豐干寒拾應化靈巖智顛大師演台教佛隴
僊釋勝蹟此土為最多道民神往可言佛隴
近有高僧無盡傳燈者精通教觀力紹台宗
性地開明德行醇白法門領袖也善信皈依
不佞隆亦師事焉頃赴黃巖方山淨名講席
恐有魔阻法席不安求老公祖為三寶作大
功德主頒一禁諭鎮靜此山終此勝事幸甚
幸甚惟公祖人倫準的大道宗盟故不敢以
未同自外輕溷尊嚴不任皇悚隆再頓首
楊太史書 春抄得侍座末與聞與義迷途之人
主持法事使客歿之竟歸於故鄉沉滯之魄
登彼樂土則師實有大造於不孝寧可為報
哉即師固以曾度示慈悲不以屑意乃不孝
凡夫之心何能已已別來又復三月餘諗知
法從已歸山中白雲紅葉清溪紫煙遙想禪
心更增超曠不孝擾擾塵中日復一日雖嚮

往常切而罪過日叢近接翰札殷勤指示不
勝慙愧何時得更覲慈容披領砥教是庸愚
之至幸也上足去附此為候統惟鑒亮
不具悉九月朔日不孝楊德政稽顙

永嘉何無咎書

慕弟子鹿鹿塵塗苦無善狀未

知何所稅駕不識吾師何以開示四明故來
多佳士師法旨玄義如須彌山王慈雲法雨
何所不被弟子聾瞽凡愚諸佛所最憐愍師
獨無意耶異日當肩瓢過赤城三市蓮座幸
不惜一轉法輪也上足來拜同歸浮刃二書
如獲牟尼寶珠第不得吾師片言內思不為
有道所齒豈勝股栗頃有白門之遊微行口
占長句奉懷殊不成語藤鉢一事并往儻晤
朗初上人為道相憶八月

縉雲鄭中丞書

日望栝旋為窮僊都之勝不知
入甌也衆緣既集勝事可舉矣

心人人本有第以法喜神化率未有不格心者助緣護法須得本處宰官信士已作五書遍仗其出力此可如願勝于他仗熟計為便故行之爾道場不宜婦女混入似宜戒嚴惟加之意更珍道體為慰翔鳳菴得老成住持以一通經宗者侶之二能作務者供之為妙此一相訂期畢而至今不別招無虛此願望之秋前一日具名正楮存

又書

秋具尺牘專力訊講席起居至則師已還天上人來得手劄更悉潮音一鳴六種震動第不知東廊閣黎有儉法者否比正中比丘至又欲屈上堂了玄義此自美舉但恐維摩示嘿斷此葛藤耳然為百松未究之緒了此遂為壁觀亦無不可冷煖自知他人無能喻也愚衷書在冊中不審師謂何不佞再奉新命有如登場戲劇心已厭之即當控辭翔鳳僊都間冀與諸善知識作期同出生死耳比

丘旋草草不既己十一月十一日谷潭逸客汝壁和南白

屠儀部書

法師久住名山弘開法席導引善信廣利人天寶花續紛香供絡繹備矣

盛矣不慧久慕樂邦尚沉苦海雖薰修之念不忘而攀緣之塵未斷追憶與師周旋時于今未免退惰所以轉想巾瓶皈依更切耳舍利理公上來參便布此為訊理公佛法通利高足白眉再訪名德當大透悟美之羨之因風契結隆再頓首

林侍御書

頃會知駐錫幽溪茲聞又浮杯瑞龍之河指蓬萊矣公彼此去住莫非緣

法廼不敏俗士寒山盟左初緣則甚悵惘也望高明勝地奚啻萬八千丈上哉惟是萱花蕨粉之惠則香積妙蓮在按一切世味坐忘矣即習靜小樓跬步不出皆公教也謝謝外舊作書扇一柄奉寄幸慧照一咲逢甬東諸名公為道材也當專修尺寸謝小樓大作造

次不敢率爾附牘八月望前日材生再頓首

四明沈尚寶書

大師憫念濁世隨分津梁側聞大闡宗旨弘宣妙諦鴻思切寤

寐非復可解憶去年飛錫下臨猥以凡夫荷蒙汲引而先太君冥福庚叨普度西方當必立證恨慧心未朗懣懣無知竟不審作何品地哀戚之中百身莫贖輒又念道力與作功德斷感如恒河沙美數譬喻所不能及矣鴻從韶年世味已澹凡人間富貴福澤名譽是非差可不關其靈明只此生未了近頗能持疏奉律先遵五戒之首未度先期度人摺集慈向聞已達于尊聽謹奉呈覽教頗不謬于如來否嚮辱委作講堂大書自知醜惡閣筆許久秘藏來云正虎顏以待則鴻之逋負甚矣偕二聯並塗染以塞諾責恐不可用以累萬方觀瞻耳鴻方買舟北征定省家尊以詰旦發冗次草率具詹泐從佇候指教啟我

愚癡曷勝翹仰鴻耳和南

林侍御復書

歲前接雲漢令徒書迺聞杖錫還山擬今正乘閒走訪踐石梁之約

又緣感念倦于屐履豈山靈厭我凡夫而尼之耶茲承翰惠幸徼清福為感良多志草已成梓完希以副本寄教何如賤名正具

介山如法師書

師王南吼蟻子北遊萬里相懸未外徧吉尊者一毛孔耳况座

下方舉眉間白毫光明四花六振即無明為真明三變千漏以永嘉為嘉會若是當不慧末弟與座下時相把臂而半座風月未許他人分却也頃在京師會逢觀老人機緣甚偶此老孜孜以開戒為念適人主獨於沙門一宗有意作大檀越諸當道中一時盼嚮慕道者不下數十輩放生戒殺徧行宮掖間但講解稱師者未免楓落吳江之誚耳得座下飄

然而北末弟願以弘誓佐之俾吾祖九旬之
玄不間南北一何快哉此座下於是必有夙
願母俟餘人之喋喋也仰雲爲法門之誼不
遠千里過弟且有永嘉之行敬附八行爲訊
臨楮莫罄欲語七月初四
日寓歸義寺弟傳如頓首

馮太史請修泐華三昧書

去秋一別忽焉至今
伏想泐履勝常爲慰

去冬曾付一牘梓上人爲今歲懺期迎主泐
席屬時事有所弋避不果投明歲懺期圓滿
惟慨然臨况至禱泐華懺爲諸懺中王我輩
誓畢生修習而勝果三期爲之弄引嗣當擇
勝地踵修法門旗鼓非師兄誰屬首事仲春
先期布此秋暑未退惟爲法門珍護謹疏七
月二十一
日夢禎具

武林虞司勳請修泐華三昧書

象駕載諸瓊委
兔窟會與鹿豕

遊且向狐丘未能迎侍殊惘惘今日將力疾
赴期聞教中止此間魔佛同宮八部散處他
方卽一馮宰官復入新都矣獨藉烏龍君爲
之呵護病居士安所逞支離一節哉德威懷
威願不有慮○戒花二十八跌似隋宮剪綵
之餘散之每鮮好不萎當是所需也沉速香
各一瓣爇鵲尾爐中導六牙香象駕或可知
願願付典者比正藝清衆幸好安隱少間便
操杵來充八部矣憤憤言不多及○雨浹日
堂中如待漏院不成灌頂師耶甚念之速香
四兩比前似多液致充月朔之供梅漿一甕
飲郭公泉用之涼屨一承千輻輪不借九承
諸白足六日旋繞願步步生蓮花也貧里人
不當供養一咲開之先生解懺來侍不慧同
之矣預白○祝融挾炎威以當大雄用雪山
醍醐敵之便退三舍正爾不煩崇寧居偃月
刀也不慧令梓公從事矣君家治病法門助
以水觀七軍不盡没乎諸師力戰定無堅壘

弟揮汗成雨難以滅火不若理懺為強一實
 境界何事不攝而必偏袒敷衽使火攻者得
 其便也幸轉諭之母謂居士孱示弱于魔○
 日者河魚腹疾無由聽塵談見淨侶得通得
 慧之狀想自恣日不自恣後月月圓果乃圓
 耳蓋所三請者如此台志若緝螺髻不容尸
 作花冠疾間當施竹皮肉頂終拂去矣聞欲
 入諸方外人俟剖剗時助涓埃也聞有斗母
 書思一證所授即病未間他日以書來以序
 往何如委頓極草草○鄰山新粟奉供諸尊
 者不慧苦滯下復以頑痰故嘔血作沉香色
 未敢更勞丹元與師期兩日不能成序當先
 歸志于天台侯台星偕斗母同降命筆未晚
 也委頓草草○嘔血是口業報向以斗易台
 之語正口業也血中無珠璣嘔出糠粃為師
 前導因藉以通懺耳師志縱橫奔瀉如石梁
 懸瀑飛流千丈洒灑滅劫趨有此體直作徐
 陵以後人語隋宮女子剪青繪作牽牛花不

堪天人散佛頭上也罪似難懺矣主臣主臣
 大悲千手眼援師而止能俟不慧強起握手
 否宛轉一牀徒有馳想○女歸寧不能似麗
 家靈聚作無生話直以振緒三盆足手縈紛
 繞我如蛾末由飛出看片帆還帆山殊快快
 耳師異晨肇二女安得析山羊脯惑淨行沙
 門春期當不留滯洞口也望之維斗有母不
 慧嚴事久矣所許書訣幸無忘道貴食母非
 女惑也○不佞受書後善病即人天果不能
 修無論足下家法且時事有所不可輒來敗
 人意釋門桓文與尸矣獨遊夏以綺語全令
 人短氣未若本色道人處幽溪而愈高明也
 猊牀在在可敷何必黃金臺畔竟使波旬扼
 獅子吭禁不得吼禁又厲則此曹之為矣乃
 懺主獨在禁外足下無意乎不慧雖病猶堪
 花時舞手散花也因梓公呈司成疏遙三請
 焉如汰師冬日定歸易所謂用脫桎梏以徃
 內自訟而懺始占無咎與師輔車詎患衝颺

什獨輪哉梓公行率爾奉請從火雲中望赤
 城徒有內熱○聞病波旬退舍大師領眾入
 室矣敬陳少供惟攝受幸甚新茗初尊雀舌
 未吐雞尾欲張蓋見初心道人意耳白粲五
 斗以飯十大比丘併祈叱致少間當趨侍也
 ○夏日襲行冬夏二令大師暨清眾少病少
 惱不不慧不勝疑永隹火病惱特甚未能操
 杵隨八部通馘為難矣雨中花一盤供當雨
 花幸勅烏龍君速斂鱗甲春花証果則花供
 養不絕耳○火疾得涼稍解而水榭蒸水氣
 足又且且不仁所謂陰陽之患也師居早濕久
 便思高朋乎故當候天晴漲落去也陶家代
 有鳳毛不慧之疾且不見龍象况復威鳳為
 題字得練裙乃堪縱筆從蚊雷中展雀目鬼
 腕作蠅頭書應何間耳台志中一神求人神
 名周凱幸識之○午餘乘人表兄未渡江持
 筵反命度師尚齋開之所今日納上其便西
 渡耶開之先生定勸請終汰華之講與不慧

同心寧忍半提令額珠不全現乎行潦阻與
 未得即侍肅箋勸請惟師終之滿梓公之願
 也篲上草草○檢得僊人神人事畧二紙俱
 燈下錄不能楷而又不敢草匆匆不成字煩
 史譯耳大抵師志中已有之獨桐栢一派為
 正一教與智者分途而騁皆天台之靈所護
 也欲得其詳當覓本傳錄之比日書簡縱橫
 大不易檢逢早涼便檢付史矣寒山子事應
 附釋門惟尊意剛裁力疾草草○欲造膝一
 談欬逆無時不作遂與開之都成十笏居待
 問人苦矣幸道駕尚盤桓猶與良晤也病中
 錄得僊人神人二紙想多重出至于司馬子
 微一派僊傳極詳而舊志寥寥眼昏手懶無
 史可屬筆者不能盡錄也岳侯事見鐵崖詠
 史詩已錄得一二日奉覽矣王金兩孝廉欲
 通八行恨病不得問柰何埃間圖之○介公
 傳慈旨令取闔帥符為鑄像津梁不慧出樞
 府久新帥故不相聞而參遊以下訊東海未

歸無可當介紹者乞一手札屬不慧轉致金
中丞可藉手屬中丞致闕帥津梁易矣聞前
日海門之警不一自非杯渡不易乘槎也謹
俟○頃三囑中丞公復書云云亦老成之見
也古有銷金人而為劍戟者彼用備寇兵泥
吾行何詞以對幸少須臾族總戎至如中丞
指可也十七吉朔且移置江上是日中宮為
招搖震巽為攝提軒轅東南之行亦未全吉
他日總戎或許朦朧利載雖無順風彼岸可
登矣午日訊歸度未晚也出浴日昏草答不
多及○不慧喉番側糜腓趾欲學無緣追隨
八部久矣說法今第幾卷想不待勸而終副
四眾之望也鐵佛行不此時中丞左遷海防
加肅當異梓公歸日總戎夏至旋師似應取
符而往乃無咎耳派二百麥飯淨人乞入之
少間且侍也○像移江壩不且莫謝榜人總
戎之歸符可致餘艘未可必致也幸酌之暑
未小而輒大節序幾紊淨人僕僕或當稍節

乎鄰魔詐言涅槃今定何如弁一訊強軟之
狀筍篋枇杷二器奉供餘不多及○火令大
不宜於疾人無無論畏龍藏客如祝融熒惑
卽寸絲尺縷亦抵去真成牛馬走矣翻得展
簞卧檢書又檢出僊人及隱淪士繼進求益
僊人何必玉霄降神卽飈車倏經亦當列于
方外若召巖之黃鶴樓演福寺何嘗久停鶴
駟乎至今吳楚之乘不能遺也不慧所以求
益矣若隱士察閬儒流厚顏欲從僊傳分之
彼褚伯玉徐則張伯雨諸君轉稱東方洪厓
之隱彼亦其之矣惟師總裁焉錫何時飛有
二筵求繫六環上致兩檀越既入法界詎是
未同之言也一苧四悅雙鞵三詩且供且懺
十悅十筵供十淨友拭我漸汗措之清涼耳
幸慈指入之詰朝得露花雨葉或能侍承未
盡之論也僊史四帙錄過求歸靈肆其侶候
焉卧作書草草○早涼檢得僊傳四冊奉書
史分錄之二書多帙無使為不全之物也正

一派是田虛應至閻丘方遠為一家寒山子
似志中已有當另立一名稱入紀傳糾道士
之失可也三河尚有編珠墉城甘泉七籤等
書未盡檢師猶可委之異教一二日後或能
一面盡所欲言
言牀上草草

四明周太史請講經書

嘗聞西方教主獨稱無
量壽尊安養淨邦聿顯

蓮池勝會金臺九品不外一心正願往生無
勞彈指第凡夫弱於塵障眷戀娑婆慧性濁
於昏波難逃輪轉是以釋迦文佛廣示一十
六觀之門彌陀如來弘開四十八願之法使
賢愚同臻彼岸善惡共出迷途修行捷徑莫
逾於此茲者阿育王寺舍利寶殿任持理公
欲啟法筵闡揚淨土若非老宿之尊嚴曷遂
人天之瞻仰敬用奉迎先此馳報蓋聞法師
圓融妙觀常運無緣之慈拔濟群生定
納有待之請臨楮不勝惓惓名具正福

陶司成請講經書

恭惟大法師宗說二通行解
兩足接天台已隆之正傳獲

法華殊勝之三昧浙之東西人無緇素咸沾
溉法味稱甘露門獨禹穴故墟密隣籌室衆
生薄福未放圓音茲以冲菴上人推讓之誠
洎闡郡僧俗翹勤之願瓣香虔請白籠將臨
生夙親道韻仰贊勝緣豈勝欣抃敬附短函
奉述中錫惟惠然時發以慰四衆幸甚甚
又法席宏敞海衆駢集宜求靜域以安衆杜
非闕市之間慮生得失大善白塔惟法師實
命之併請聖
齡再頓首

陳主政請講經書

恭聞大師妙悟三乘勤行萬
善冥探宗極廣闢度門疇雖

未獲叅承而慕德嚮風皈依恒切矣茲者淨
行比丘信心檀越僉欲傾聆玄咳瞻仰慈顏
敬大善之戒壇演法華之妙義仰祈大師憫
念衆生特垂矜允法駕光臨于穢土慈航普

度夫迷津感戴何深功德無量清和前四日具

劉春元兄弟請講經書

當今擁紫泐座者皆求高擡眼孔穩踏脚根

者為誰維是大師芳名耳食久矣昨一識荆
掛花妙義滿盤應現莫逆在語言文字之外
大師真人天眼日哉人天眼日哉散里大善
古刹新建藏閣向承冲菴禪師提示一方愚
昧頗知信向今渠仰服大師特甚欲攀泐駕
至盟心更切於生輩竊意人生會聚自有定
因冲菴師能推讓無盡師無盡師能使冲菴
師推讓如此必越國衆生有緣矣况剡中三
年閱藏之約大師已俯允三年中隨緣住錫
政周陶二先生隨順大師初心而又况其桑
梓地乎賤兄弟荒陋敢當檀越然而歷歷此
中不敢自隔於如來亦既有年仰惟慈悲憐
憫慨然辱臨越人氏幸甚諸
人天幸甚塙岑合十和南

天台山方外志卷第十八

疏

陳少王皇太子請智者大師菩薩

道無方隨機濟物衛護國土級

光輝託迹朋友比丘夢入符契之像久章

上來儀高座之德斯燭是以翹心七淨渴仰

四依庶三自皈之可弘五戒之法永固竊尋

內外兩教大小二乘重道尊師由來尚矣伏

希俯從所請世世結緣遂其本願日日增長

今月十五日於崇正殿設千僧法會奉請菩
薩戒師謹遣王書劉璿畧申誠款殊未宣悉
弟子淵和南

永陽王解講疏

善薩戒弟子陳靜智稽首和南
十方常住三寶幽顯冥空現前

度夫迷津感戴何深功德無量清和前四日具

劉春元兄弟請講經書

當今擁紫泐座者皆求高擡眼孔穩踏脚根

者為誰維是大師芳名耳食久矣昨一識荆
拈花妙義滿盤應現莫逆在語言文字之外
大師真人天眼日哉人天眼日哉散里大善
古刹新建藏閣向承冲菴禪師提示一方愚
昧頗知信向今渠仰服大師特甚欲攀泐駕
至盟心更切於生輩竊意人生會聚自有定
因冲菴師能推讓無盡師無盡師能使冲菴
師推讓如此必越國衆生有緣矣况刻中三
年閱藏之約大師已俯允三年中隨緣任錫
政周陶二先生隨順大師初心而又况其桑
梓地乎賤兄弟荒陋敢當檀越然而歷歷此
中不敢自隔於如來亦既有年仰惟慈悲憐
憫慨然辱臨越人氏幸甚諸
人天幸甚塙岑合十和南

天台山方外志卷第十八

疏

陳少王皇太子請智者大師菩薩戒疏

淵和南仰惟化

道無方隨機濟物衛護國土級引天人昭燭
光輝託迹朋友比丘夢入符契之像久彰和
上來儀高座之德斯燭是以翹心七淨渴仰
四依庶三自皈之可弘五戒之法永固竊尋
內外兩教大小二乘重道尊師由來尚矣伏
希俯從所請世世結緣遂其本願日日增長
今月十五日於崇正殿設千僧法會奉請菩
薩戒師謹遣王書劉璿畧申誠款殊未宣悉
弟子淵和南
正月十三日

永陽王解講疏

善薩戒弟子陳靜智稽首和南
十方常住三寶幽顯冥空現前



凡聖伏惟法王法力憫三界之顛愚無漏無
為開一乘之奧典深宗絕稱仰蓮花以立名
實智難思借寶珠而喻理殷勤弘接始則大
事因緣指掌言提終令小乘解悟接須彌鄒
世界未足為難開秘密導蒼生斯為勿易天
台顛闍黎大師遊浪法門貫通禪苑有為之
結已離無生之忍現前仰屈來儀闡揚極教
高軒層殿廣闢齊宮聖衆雲集僊羣霧委俱
奉傳燈之曜共挹懸河之流法侶欣慶神祇
踊躍弟子飄蕩業風沉淪愛水雖餐法喜弗
祛蒙蔽之心徒仰禪悅終懷散動之慮但日
輪馳騫騫曦和之轡不留月鏡迴軒姮娥之影
難駐適啓金函便收寶軸法輪輟軫驚嶺之
說何期清梵停音魚山之唱方息有離有會
歎自奚言愛法敬法潺湲無已謹於今月十
三日解講功德仰設法會并度人出家又觀
音菩薩法身大士拯危拔難利益人天奉造
靈儀即日鎔鑄用斯福善上資清廟聖靈又

奉為即日至尊願御騰勝常安德宮太后幸
薩寢興納豫皇太子起居萬福諸王諸王咸
保嘉慶未及弟子自身并息謀等內外眷屬
一切因緣壽命長遠身心扶樂唯願顯揚三
寶通達五乘戒與秋月俱明禪與春池共潔
生生世世與闍黎及講衆黑白見聞覺知恒
結善友恒將濟度還同智積奉智勝如來復
以藥王觀雷音種覺或見生安樂世界或處
兜率天宮俱蕩三乘行俱向一乘道恒沙菩
薩為伴侶恒沙國土為佛事得法自在得心
自在同修七覺分同趣三菩提虛空有盡此
願無窮仰希幽顯證明法界怨親同入願海
迴向薩雲若
為無所得故

沈儀同請智者大師開法華經題疏

儀同公菩薩戒弟子
吳興沈君理和南竊聞大乘者大士之所乘
也高廣曾運直至道場復作四依周旋六道

仰惟德厚深會經文於五誓之初請開法華
題一夏內仍就剖釋道俗咸瞻延佇嘉唱慈
悲利益不違本
誓耳謹和南

隋晉王請智者大師授菩薩戒

疏使持節
上柱國

太尉公楊州總管諸軍事楊州刺史晉王弟
子楊廣稽首十方三世諸佛本師釋迦如來
當降此土補處彌勒一切尊經無量法寶初
心已上金剛已降諸尊大權摩訶薩埵辟支
緣覺獨脫明悟二十七賢聖他心道眼乃至
三有最頂十八梵王六欲天子帝釋天主四
天大王天僊龍神飛騰隱顯任持世界作大
利益守塔衛法防身護命護淨戒無量善神
咸願一念之頃承佛神力俱會道場證明弟
子誓願攝受弟子功德竊以識暗萌興即如
來性無明俯墜本有未彰理數斯歸物極則
反欲顯當果必積于因是調御世堆備歷生

或草木為籌不可勝計恒沙集起固難思議
深染塵勞方能厭離汰王啓運本化菩薩譬
如日出先照高山隨逗根宜權為方便如彼
衆流咸宗大海弟子基承積善生於皇家庭
訓早趨貽教夙漸福理攸鍾妙機須悟耻崎
嶇於小逕希優游於大途疾止息於化城誓
舟航於彼岸但開士萬行戒善為先菩薩十
受專持最上論造宮室必因基址徒架虛空
終不成立弗揆庸慢抑又聞之孔老釋門咸
資鎔鑄不有軌儀孰將安仰誠復釋迦能仁
本為和尚文殊師利冥作闍黎而必籍人師
顯傳聖授自近之遠感而遂通薩陀波輪聲
髓於無竭善財童子忘身於法界經有明文
敢為臆說深信佛語聿遵明導天台智顛禪
師佛法龍象童真出家戒珠因淨年將耳順
定水淵澄因靜發慧安無礙辯先物後已謙
挹盛風名稱普聞衆所知識弟子所以虔誠
遙注命檝遠延每畏緣差值諸留難亦既至

止心路豁然及披雲霧即銷煩惱謹以今開
皇十一年十一月二十三日揔管金城設干
僧蔬飯敬屈禪師授菩薩戒戒名為孝亦名
制止方便智度歸親奉極以此勝福奉資至
尊皇后作大莊嚴同如來慈會諸佛愛等視
四生猶如一子弟子即日種羅喉業生生世
世還生佛家如日月燈明之八王子如大通
智勝十六沙彌眷屬因緣法成等侶俱出有
流到無為地平均六度恬和四等衆生無盡
度脫不窮結僧那於始心終大悲於赴難博
遠如法界究竟若虛空具足
成就皆滿願海揚廣和南

智者大師石城莊嚴彌勒像發願疏

稽首和南
三世諸佛

伏惟法身無像隨機顯現淨土不毀人衆見
燒滄瀆浮來靈塔地涌剎山天樂通慶陸咸
三處尊儀表代三世慈善根力利益斯土但
年溪歲曩聖跡凌遲諸佛影象若淪衆生善

根無寄諱宿世有牽忝預法門德行輕微功
業無寄謬為道俗所知顧影羞躬無以目處
上慚三寶無與顯之能下愧羣生少提掖之
力刻骨刻肌將何所補幸值明時棟梁佛日
願籍皇風又承衆力將勸有緣修治三處先
為興顯三世佛法次為擁護大隋國土下為
法界一切衆生若塔像莊嚴則紹隆不絕用
答佛恩若處處光新國界自然殊特妙好則
報至尊水土之澤若見聞者發菩提心則利
益一切種出世業但久域此心緣障未果此
際赴期西出氣疾增動毒器坏瓶固非保惜
先以身命奉給三寶謹聽威神若形命停留
能生物善不汚佛法者伏聽使乞早除差行
願速圓若命雖未盡方多魔障損物善根汗
亂佛法者豈須停世願早灰滅滅後以諸誓
願付囑後人使經紀修立乞三寶加建速得
圓滿前於佛隴金光明道場已發此願今重
於石像再述愚誠伏願聖凡重垂攝受謹疏

開皇十七年十一月二十一日

晉王遣使入天台建功德發願疏

菩薩戒弟子 捨持和南十

方三世諸佛一切尊法三乘聖眾上界天僊
 龍神他心道眼護持應現畏塞虛空無量幽
 顯切聞諸佛菩薩不捨本誓為天人師拔濟
 合識次令和尙闍黎代作宗範引接後來與
 佛無異資敬之重具在經律不有明導豈濟
 苦海匪報厚德豈收福田遷行可追謹依佛
 語菩薩戒先師天台智者來踰剡嶺遷化石
 城初聞訊至哀情摧勳敬惟勝行逾滿爰連
 佛許臨終自說所得今開侍者所書巨有異
 相稱吾位居五品弟子事在法華十住信心
 文具瓔珞於是空聲異響徧滿山房索披大
 衣云觀音來至驗知入決定聚面覩彌陀靜
 攝遷神安坐身證久移晦朔容相儼然斯蓋
 無量劫來檀慧具足深護佛法發和羣生非

無顯晦出沒其孰能於此歟有始有終者其
 惟聖人乎設以辯才千萬偈讚師福慧終不
 能盡夏初遣信到山期汰歲竟迎接僧臘既
 滿尚疑谿谷毒厲意取氣交霜雪杯度鏡水
 及屆剡下便承卧疴豈言信次騰神淨域遂
 不獲重音容再諮法味維摩義疏蘊而莫宣
 良由宿障根深致違心契已悔於前須補於
 後近於此州禪衆舊居雖仰為設會并就天
 台指畫之地則造寺塔而於彼山頭陀之處
 未獲裏修今夤覽別書囑寄佛法不思議事
 感歎銘矜無已之誠今遣往於佛隴峯頂集
 衆結齋願承三寶之力速達西方智者證知
 淨土記蒞生生世世長為大師弟子未得佛
 前早相度脫不棄緣感弘到菩提并乞衆力
 為弟子懺悔自從無明住地以來至于今日
 恒沙惑障煩惱迷昏五蓋十纏輪迴界內八
 萬四千塵勞增長願憑積慶及茲功德衆罪
 霜露慧日消除衆善普會法雨洋溢神通道

方曩謁皇家寶祚靈長單被億兆開皇十八年正月二十九日

皇太子敬靈龕疏

維隋仁壽元年歲次辛酉十二月十七日景夤菩薩戒弟

子皇太子檢持和南敬告天台山寺先師智者全身舍利靈龕之座粵竊聞民生在三事之如一皆貴聖範能遂賢功顏回不值宣尼豈鄰殆康尹喜不逢老氏安致長齡况乎乘般若之舟望菩提之岸弗有明導豈至寶所復因信俱次泐城所謂自利利他人我兼利師及弟子智斷具足抑又聞曰踈傳告老太子贈以黃金桓師退辭家庭陳於喪服斯並有為方內少用報恩豈臻無際空表盡酬師力弟子宿植德本早承道教身戒心慧蒙瑩明珠早穗寒交盡沾甘露雖復時流歲永生滅不追行任坐臥伏膺如在爰以景昧謬齒元良守噐非才昇離多懼復奉明詔曩經作伯暫輟監無還省宸方瞻望天台有如地踊

僧使續來龕端重疊多寶妙塔如意分身玉毫金光分宵破暗應念彈指自室空聲有一於此已稱靈顯四者難弁豈非希有自曇光坐滅之後道滅身證已來興公飛錫所不能稱靈蓮山居未有斯事盛矣哉是我大師證道之基趾也至矣哉是我良田之報歲也詩云無言不酬無德不報經稱知恩報恩諸佛皆爾近歲雖遵誠約修構祗桓多慚布金止因山宇庶同心淨域勝土莊嚴幸僧眾無虧裏修不缺冥力深扶人功多愧今遣員外散騎侍郎兼通事舍人張乾威送僧使灌頂等還山於寺設會稽首接足十方三世一切三寶無量幽顯現前大眾以此功德仰資先師智者早證正覺具如臨終證現以生安養頃來畱瑞久現彌陀踵武觀音連衡大勢回眸東視不捨娑婆轉盼南閻彌憐震旦滄溟巨海尚不讓於涓流高華峻極安苟排於微壻敢陳薄供願藉購受當使無邊法身盡承其

露無量化影咸進醍醐涅槃餐之不可窮般
若味之不可竭盡我念力遵我師道消我煩
惱滿我誓願現在未來長慧提拔家國眷屬
俱入大乘密往潛來恒垂影響塵勞障累
除隱塞究竟等虛空圓滿如法界斯則大師
勝力諸佛荷擔弟子合慈出如來藏無離文
字以求解脫文字之性即解脫也不看世間
如蓮華常善入於空寂行達諸法相無罣礙
稽首如空
不可依

皇太子於天台設齋願疏

菩薩戒弟子皇太子
摠持和南十方三世

法佛報佛應佛法身應身化身諸佛所師所
謂法也以法常故諸佛亦常佛常法常比丘
僧常世間皆空而實不空諸佛妙有而實不
有不有而有而不空而空至寂恬然始名至樂
凡清弊報皆生極苦迷之者則生盲皓首得
之者則罔像玄珠弟子幸憑勝緣微因宿種

方便智度生在佛家至尊皇后慈仁胎教有
八王子日月燈明之恩十六沙彌大通智勝
之勛加以昔蒞淮海欽尚釋門先師天台智
者顛禪師膺請江都授菩薩戒由是開悟歸
憑有在而夢楹託飄梁木先願合掌安禪端
坐示滅于今數載儼然若思適現儀形續放
光燄彈指之聲震于龕室僧使報述遐邇聳
踊皆由佛法僧力感應相關汲引含靈故現
斯瑞肅奉明詔暫輟監國巡慰淮楊銜顛毗
黎思報佛恩少酬師道以今大隋仁壽元年
歲次辛酉十二月十七日謹遣員外散騎侍
郎通事舍人張乾威到天台山寺敬設蔬飯
雖調人水多慚百味庶同純陀之末供有如
淨名之遙請色香細軟徧滿十方歡喜共餐
寧唯百億天僊龍神並希雲布任持世界盡
望星羅以智者之分身納師資之攝受經稱
信為能入智為能度願消甘露咸濟苦海應
變穢土通同淨國天覆地載長轉金輪七廟

六宗永安玉座本支百世紹隆萬紀男女緇素皆染大乘水陸空行咸知佛性道彌入於芥子未足成難食頃猶如巨刳曷以為恠井蛙不識江海蚊睫安知鵬翼以我今截金乞水消以我今誠皆入願海發菩提心徧在諸物菩提心者即是佛心下度衆生上求佛果不可以身得不可以心得無所得即菩提心無所得即是得無所得稽首歸命十方三寶

荆州道俗請智者大師講法華經疏

道因寺東巖菩薩戒

弟子陳子秀等稽首和南竊以法門不二理絕言忘應病隨機假名相說雖復常居寂滅而廣示威儀不起道場躬昇自在義談廣狹迹現淺深曾是有識津梁含生舟渚論其汲引莫不方便為先語其提携無非譬喻為本宅中童孺識三車而競出傭價窮子知糞穢之可除仰惟禪師居不測之位懷普治之心道貫三空智階百法輒欲奉屈宣揚法華一

部展禽邵伯術小功微尚復布政棠陰宣風柳下况復親承三點高修六度必願俯就師誠留心鑽仰漢皇白水由昌大風桑井可嘉無容默已庶令貴賤上下咸識一乘大葉小枝等蒙慈潤幸使高原鑿井速見洪泉醉悟昏迷還知昔寶輒述衆情罔知陳具謹請開

皇十三載
八月十日

蔣山棲霞寺請疏

棲霞寺衆保恭等和南竊以瞻慕明德灰管屢遷展覲以

來炎涼甫隔伏飡至法用稟教門定水澹而無涯詢峯高而不極至如止觀方等之義龍樹馬鳴之文莫不殫其理窟究其冲妙恭雖不敏少遊講席窺翫南北經論三十餘年求其奧旨不悟觀諸法海寄在餘生所冀傾蠡猶欣飽腹然道安之遇澄上人便稱比面惠承之逢遠上首即創東林是知得奉勝人須安勝地者也恭雖踈薄竊欲往彥但所居棲

霞寺乃宋代明徵君宅僧紹之所建立也鑄
 山現像疏巖敞殿似若飛來無慚踊出若其
 林泉爽麗房宇縈紆桂嶺春芳雲窻畫歇自
 昔高行是用遊為故寺眾齊誠請延威德惟
 願傍觀曩指爰降彼居依經受用必垂納處
 所有園田基業具在別條謹共開府士柳顧
 言證成斯誓庶金剛之域與鷲嶺而長存法
 寶斯傳等鷄山而不滅謹疏開皇十五年八
 月六日保
 恭等疏

吉藏法師請智者大師講法華經疏

吳州會稽縣嘉祥寺

吉藏稽首和南伏聞山號罪鬼道安登而說
 法峯名區岫慧遠棲以安禪未若茲嶺宏麗
 接漢連霞濟壑飛流冲天灌日赤城丹水僊
 宅隩區佛隴香爐聖果福地復經檀美孫賦
 稱奇智者棲憑二十餘載禪慧門徒化流遐
 邇昔同壽英彥纔解通經法淨俊神正傳禪

業若非道參窮學德侔補處豈能經論洞明
 定慧兼吸至如周旦沒後孔丘命世馬鳴化
 終龍樹繼後如內外不墜信在人弘光顯大
 乘開發秘教千年之興五百實復在於今日
 南嶽敷聖天台明指昔三業任持今二尊紹
 係豈止麗甘露於震旦亦當振法鼓於天竺
 生知妙悟魏晉已來典籍風謠實無連類釋
 迦教主童英發疑虛舍法王善財訪道敢緣
 前迹諦想崇誠謹共禪眾一部此典眾聖之
 智者大師演暢法華一部此典眾聖之喉襟
 諸經之關鍵伏願開佛知見耀此重昏示真
 實道朗茲玄夜庶以三千國土來稟未聞百
 劫後生奉遵大義築場戒節拚木將臨搖落
 山莊玄黃均野桂巖玉藥菊岸花榮彌切聲
 聞之心頗傷緣覺之抱吉藏仰謝前達俯愧
 詢求兢懼惟深但增戰悚謹請開皇十七年
 八月二
 十一月一日

宋元通法師續經發願疏

昔陳隋二國師智者大菩薩嘗親書方等

經唯一卷存耳四明沙門元通謹習真蹟續書三卷以全之又慮真蹟歲久紙潰仍書芽四卷預備其闕復集智者所說方等行法共成一卷新故計六卷永鎮于天台之大慈焉功已敬法智者湖南道林寺造塔願辭聊伸大誓云

沙門元通稽首和南十方三寶伏惟先象弗朕至言匪標冥真絕思濟物安寄稽首寂境靡得極覽忘知萬化任紛一如彌湛稽首落詮大道詣旨玄章肉骨神丹昧岐真月稽首拯危殞質酬素混流悠運弗謀觸情被澤竊惟鬼昏夢作冥冥弗覩於朝陽日青花紛眩眩不逢於神藥長歎四生之出沒修夜未明痛思萬有之浮沉太虛數翳欲證無身無土須崇巨誓良由故選香煤細和頂血繼智者之真蹟全方等之靈

編集此殊功莫載勝報元通伏願餘生若棄惡趣永辭歸神明於寶坊謝惑累於塵界屈躬大覺問道至人盡真域以咸游是法王而普供耳歷玄旨心旋本源一相不存萬境俱契四重願海常自沐神十種度門常當蹈足高位階於極證大慧等於徧知舒恒沙之音聲宣塵點之經卷為調御者作天人師然後却入諸刹普應羣倫化九界之衆生洗三種之大障游無間獄代以長然主邪見家誘之速離隨躡飛之需欲令應念以俱圓咸銷幻化之邪永盡空花之界元通又念縱以餘緣尚流諸趣或因大罪忽墜苦城從教長碎百骸亦願即逢諸佛塵塵處處每與追隨劫劫身身常為給侍聞正法而大悟蕩細惑以還源仰惟至聖以冥資使衆願言而成足脫二輪之逆運樹一志而弗移會躋寂默之都要居衆伏之頂謹願

臨溪講堂

天台山方外志卷十八

天台山方外志卷

十八終



程